

6. Koliki su procijenjeni direktni i indirektni fiskalni efekti gašenja integralne proizvodnje (gubitak doprinosa, poreza, uticaj na povezane sektore)?
7. Koliko je radnika direktno i indirektno pogođeno ovom odlukom i koje konkretne mjere zbrinjavanja Vlada Federacije BiH planira poduzeti?
8. Da li je Vlada Federacije BiH razmatrala mogućnost interventne podrške ili drugih oblika pomoći radi očuvanja proizvodnje ili radnih mjesta, te ako jeste - zašto iste nisu implementirane na vrijeme?
9. Koje konkretne mjere Vlada Federacije BiH planira poduzeti kako bi se spriječio domino-efekat gašenja drugih industrijskih kapaciteta u Federaciji BiH?
10. Da li će Vlada Federacije BiH inicirati sveobuhvatnu analizu uzroka obustave proizvodnje i javno objaviti nalaze?

Ovim putem Vam Federalno ministarstvo energije, rudarstva i industrije, kao nadležno ministarstvo, dostavlja sljedeće odgovore na postavljena zastupnička pitanja.

Odgovor na prvo postavljeno pitanje:

- Nova Željezara Zenica je putem e-maila od 10.04.2026. godine (a kasnije i pisanim putem), Uredu premijera Federacije Bosne i Hercegovine, kabinetu federalnog ministra energije, rudarstva i industrije, i drugima, dostavila materijal za zakazanu Skupštinu društva u kome je između ostalog, dostavljena Obavijest o zaustavljanju proizvodnje (od 03.04.2026. godine), kao i Odluka o zaustavljanju i gašenju Visoke peći u društvu Nova Željezara Zenica d.o.o., doneseni od uprave društva. Nakon toga je dostavljena Obavijest o promjeni u radu pogona u kompaniji Nova Željezara Zenica-obustava rada pogona i postrojenja (akt broj: 56/26-E, od 15.04.2026. godine). Uz ovu Obavijest je takođe dostavljena i Odluka o zaustavljanju i gašenju Visoke peći u društvu Nova Željezara Zenica d.o.o. (akt broj: 36-2/2026-Gd od 02.04.2026. godine) i Interni plan mjera zaštite okoliša za djelovanje u slučaju gašenja integralne proizvodnje čelika od aprila 2026. godine kao i akt Sindikata metalaca Federacije Bosne i Hercegovine, broj: 01-103-IV/26 od 15.04.2026. godine, Zahtjev za hitno djelovanje i očuvanje industrije čelika i radnih mjesta i akt Sindikata metalaca Povjereništvo Zeničko-Dobojskog kantona, broj: 26-05/26 od 15.04.2026.godine, Traži se hitno djelovanje.
- Vlada Federacije Bosne i Hercegovine u privrednom društvu Nova Željezara Zenica d.o.o. Zenica ima manjinski vlasnički udio od 8%. S formalno-pravnog aspekta, ovakav upravljački i vlasnički paket ograničava mogućnosti izravnog donošenja operativnih odluka u poslovanju kompanije, koje su u primarnoj nadležnosti većinskog vlasnika, međutim, resorno ministarstvo i Vlada Federacije Bosne i Hercegovine kontinuirano su pratili aktivnosti novih vlasnika Nove Željezare Zenica, te, u okviru svojih nadležnosti, pružali odgovarajuću podršku. S ciljem očuvanja proizvodnje, radnih mjesta i stabilnosti domaće industrije Vlada Federacije Bosne i Hercegovine pokreće proces konsolidacije i restrukturiranja Nove Željezare Zenica. U okviru tih aktivnosti, kao operativni nosilac potencijalnog procesa konsolidacije prepoznat je Energoinvest d.d. Sarajevo, imajući u vidu iskustvo kompanije u vođenju složenih industrijskih sistema i nedavne rezultate u stabilizaciji vlastitog poslovanja uz institucionalnu podršku.
- Vlada Federacije Bosne i Hercegovine ponudila je konkretan institucionalni odgovor, te je utvrđen prijedlog posebnog zakona o vanrednoj upravi kako bi se spriječilo nekontrolisano gašenje proizvodnje, zaštitila radna mjesta i otvorio prostor za stabilizaciju kompanije.

odgovor na pitanja 2-4:

Federalno ministarstvo energije, rudarstva i industrije održalo je niz sastanaka sa predstavnicima Uprave i predstavnicima sindikata Nove Željezare i sindikatima metalnog sektora u Federaciji Bosne i Hercegovine, a sve s ciljem sprečavanja gašenja proizvodnje čelika i čeličnih proizvoda, zaštite domaće proizvodnje i očuvanja radnih mjesta.

U kontekstu navedenog, izdvajamo sastanak organiziran i održan 06.03.2026. godine u zgradi Vlade Federacije BiH u Sarajevu, na navedenu temu na kojem su pored federalnog ministra energije, rudarstva i industrije gosp. Vedrana Lakića i Federalnog ministra trgovine gosp. Amira Hasičevića učestvovali i predstavnici Vlade Republike Srpske, ministar energetike i rudarstva RS Petar Đokić, ministar saobraćaja i veza RS Zoran Stevanović, predstavnici Ministarstva privrede i preduzetništva RS, savjetnici premijera Federacije BiH, kao i predstavnici Ministarstva vanjske trgovine i ekonomskih odnosa BiH. Zaključak na sastanku je bio neupitno opredjeljenje za zaštitu integralne proizvodnje čelika i očuvanje radnih mjesta.

Vlada Federacije Bosne i Hercegovine je na svojoj 293. hitnoj sjednici razmatrala Informaciju Federalnog ministarstva energije, rudarstva i industrije u vezi sa Odlukom o uvođenju privremene zaštitne mjere prilikom uvoza čelika i čeličnih proizvoda i tom prilikom donijela Zaključak V. broj:355/2026 od 10.03.2026. godine kojim je između ostalog Vlada Federacije Bosne i Hercegovine razmotrila i podržala Prijedlog odluke o uvođenju privremene zaštitne mjere prilikom uvoza čelika i čeličnih proizvoda koja se odnosi isključivo na asortiman zastupljen u domaćoj proizvodnji. Ovim Zaključkom stavljen je van snage Zaključak Vlade Federacije Bosne i Hercegovine V. broj: 191/2026 od 25.02.2026. godine koji je Vlada Federacije Bosne i Hercegovine donijela na 288. hitnoj sjednici.

Zaključkom V. broj:355/2026, Vlada Federacije BiH je predložila Ministarstvu vanjske trgovine i ekonomskih odnosa Bosne i Hercegovine da poduzme aktivnosti na uspostavljanju jasnih tehničkih standarda kvalitete čelika i čeličnih proizvoda, te unaprijedi i uspostavi snažan sistem kontrole prilikom uvoza navedenih proizvoda s ciljem sprečavanja uvoza čelika i čeličnih proizvoda koje ne zadovoljavaju iskazani kvalitet i u tom smislu predstavlja nelojalnu konkurenciju na tržištu i nanosi štetu domaćoj industriji.

Navedeni zaključak dostavljen je Ministarstvu vanjske trgovine i ekonomskih odnosa Bosne i Hercegovine kao mišljenje Vlade Federacije Bosne i Hercegovine na Prijedlog odluke o uvođenju privremene zaštitne mjere prilikom uvoza čelika i čeličnih proizvoda na dalje postupanje.

Federalno ministarstvo energije, rudarstva i industrije prati situaciju i u okvirima svojih nadležnosti poduzima aktivnosti.

Važno je za napomenuti da je na Skupštini privrednog društva Nova Željezara Zenica d.o.o. održanoj 24.04.2026. godine po drugoj tački dnevnog reda, Usvajanje Odluke o davanju saglasnosti na Odluku o zaustavljanju i gašenju Visoke peći u društvu Nova Željezara Zenica d.o.o., predstavnik ispred Vlade Federacije Bosne i Hercegovine je po punomoći glasao PROTIV navedene Odluke. S obzirom da Vlada Federacija Bosne i Hercegovine ima samo 8% udjela u kapitalu Nove Željezare Zenica d.o.o., to glas Federacije Bosne i Hercegovine nije mogao utjecati na donošenje konačne Odluke.

Odgovor na peto pitanje:

- Strategija razvoja metalne industrije Federacije Bosne i Hercegovine je urađena za period od 2016. do 2025. godine i u završnoj je fazi izrada nove strategije za period od 2026. do 2035. godine.

Odgovor na šesto pitanje:

- Prema informacijama iz urađenih analiza a koje je provela i prezentirala uprava Nove Željezare Zenica d.o.o., prihod od PDV-a na državnoj razini iznosi cca 32 miliona KM godišnje, plate i doprinosi cca 68 miliona KM. Željezničkim transportom prevezeno je u 2025. godini od 25-30 miliona KM robe.

Odgovor na sedmo pitanje:

- U Novoj Željezari Zenica d.o.o. je direktno zaposleno oko 1900 radnika a indirektno preko 10.000. Iznos plata i doprinosa je cca 68 miliona KM godišnje. Kao što je već navedeno u odgovoru na prvo pitanje, Vlada Federacije Bosne i Hercegovine provodi aktivnosti na realizaciji posebnog zakona o vanrednoj upravi i konsolidaciji društva.

Odgovor na 8-9 pitanje:

- Vlada Federacije Bosne i Hercegovine ima samo 8% udjela u kapitalu Nove Željezare Zenica d.o.o. i ne može bitno uticati na donošenje odluka na skupštini društva, a odgovor na provedene dosadašnje aktivnosti dat je u prethodnim odgovorima.

Odgovor na deseto pitanje:

- Vlada Federacije Bosne i Hercegovine pokušava sistemski spasiti Novu Željezaru Zenica, zaštititi radna mjesta i spriječiti trajno gašenje proizvodnje.

S poštovanjem,



Dostavljeno:

- naslovu,
- evidenciji i
- a/a

Co. Vlada Federacije BiH, n/r dr.sci.Edita Kalajdžić, sekretar

Broj: 07-02-4-809/26
Mostar, 25.05.2026. godine

BOSNA I HERCEGOVINA
FEDERACIJA BOSNE I HERCEGOVINE

PARLAMENT FEDERACIJE
PREDSTAVNIČKI/ZASTUPNIČKI DOM
ul. Hamdije Kreševljakovića broj 3
71 000 Sarajevo

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 03-06-2026			
Org. jed.	Broj	Priloga	Vrijednost
05/1-	02-	223	26

n/r Ivan Miličević, Tajnik/Sekretar

n/r dr. Dennis Gratz, zastupnik u Predstavničkom domu Parlamenta Federacije Bosne i Hercegovine

Predmet: Odgovor na zastupnička pitanja, dostavlja se –

Veza: Akt broj: 03-04-805/2026 od 22.04.2026. godine i akt broj: 05/1-02-223/26 od 21.04.2026. godine

Zastupnik u Predstavničkom domu Parlamenta Federacije Bosne i Hercegovine, dr. Dennis Gratz, je na osnovu člana 11. Poslovnika o radu Predstavničkog doma Parlamenta Federacije Bosne i Hercegovine, uputio sljedeća zastupnička pitanja prema Vladi Federacije Bosne i Hercegovine i Federalnom ministarstvu energije, rudarstva i industrije:

1. Kada je Vlada Federacije BiH prvi put službeno informisana o ozbiljnom riziku gašenja integralne proizvodnje čelika u Željezari Zenica i koje konkretne mjere su tada poduzete?
2. Koje je konkretne mjere Vlada Federacije BiH poduzela u proteklih 6-12 mjeseci kako bi odgovorila na višemjesečna upozorenja uprave i spriječila obustavu proizvodnje?
3. Da li je Vlada Federacije BiH razmatrala i predlagala zaštitne mjere za domaću proizvodnju čelika, te koje konkretne inicijative je uputila prema nadležnim institucijama na državnom nivou?
4. Nakon što zaštitne mjere nisu usvojene na državnom nivou, koje alternativne mjere iz svoje nadležnosti je Vlada Federacije BiH poduzela ili razmatrala?
5. Da li Federacija BiH ima važeću strategiju industrijskog razvoja koja obuhvata sektor metalne industrije i čelika, te ako ima-na koji način je primjenjena u ovom slučaju?